


石倉十二代詩選

六十一



宋九十四五六


漢書門		
三	七	四
九	七	函
一	四	冊

三	七	四
九	七	函
一	四	冊

宋詩九十五五六

六十一


內閣文庫	
番號	漢 3745
冊數	142 ( 63 )
函號	319 25



裴竹齋詩集小引

淺草文庫

公諱萬頃字元量豫章人嘉定癸酉除吏部架  
閣明年遷大理司直疏力丐外勅旨差江西撫  
幹以便祿養卒于官然觀公集兀坐有感詩云  
息綿綿而不絕心了了以常明靜室我方宴坐  
傍人嗔作脩行是何異祖師偈語也公蓋庶幾  
知道者歟



竹齋集引

終

將晴依候勿出門去塵埃染人衣

裴元量

卷九十四

竹齋集

卷六十四

賦詩香燭

新入與卦卦卦長何異脈脈歸靜也公蓋無然  
息絲絲而不絲以常則精室非式宴坐  
禪以與蘇養卒于宮然躡公集下坐育風精云  
閣用羊豎大豎后直繩代西快棟肯蓋以西繼  
公精萬臥字天量新章人嘉安癸酉斜吏暗采  
案竹齋集小傳

石倉十二代詩選

宋詩卷之九十四

竹齋集

宋豫章裘萬頃著

明後學曹學佺閱

出門

出門復入門吾行竟安之携書北窗下翻閱聊  
自怡有懷千載人掩卷還歔歔采采首陽薇戀  
戀商山芝一裘或終身欣然釣江湄斯人不可  
作斯道日湮微目前稻梁謀鳧雁方齊飛青田  
寂無音歲晚將疇依慎勿出門去塵埃染人衣

宋詩卷之九十四

宋詩卷之九十四

一

周

菖蒲

康廬入吾懷。十載馳夢魂。踵門者何人。遺余以  
芳蓀。歡然得其趣。如對五老言。幽姿出岩谷。常  
帶冰雪痕。塵容爲一洗。兩目不復昏。忽思三峽  
流。褰衣涉潺湲。因仍一寸石。浸潤九節根。人言  
可扶老。歲月須其蕃。茲理諒不誣。吾將從綺園。

從人覓墨梅

熏爐束詩魂。茗椀驅睡思。掩關寂無營。翰墨自  
娛戲。山寒溪正清。月淡雪初霽。橫斜兩三枝。見

說可人意。天機如胸中。出手特餘事。何時剪冰  
統。來對病居士。

題余仲祥松齋

芳妍桃李場。紛趨歛成蹊。長松坐偃蹇。遂爾不  
見知。平生異時人。不與俗轉移。蕭然塵埃中。擅  
此丘壑竒。窗虛境逾清。四壁風來吹。抱琴揖蒼  
髯。喜氣掀兩眉。臭味旣與同。相親不相違。直期  
閱歲寒。可但忘朝飢。

行役

宿霧鎖山椒。落月掛林側。崎嶇歷岡巒。鬢髮髯辯  
阡陌。秋高風露寒。道遠時序迫。安得歸故園。篝  
燈理書冊。

羅溪橋

我來從西昌。日日困塵土。誰知羅溪橋。淨若初  
過雨。長松列左右。清風奏宮羽。薄暮舍籃輿。扁  
舟渡溪去。

次伯仁善利閣小室韻

山林吾所宅。夜月恒對影。焉知江上人。一日過

萬境。褰裳步崇臺。有室妍且靜。徘徊不能去。坐

見四山暝。

見雪

兀冥當語誰。餉我一簷雪。吾廬本來靜。得此更  
清絕。遙憐北海上。徃徃已盈尺。齧瓊人在否。毋  
凌漢臣節。

雨後

秋事雨已畢。秋容晴爲妍。新書浮穉稭。餘潤溢  
潺湲。機杼蛩聲裏。犁鋤鷺影邊。吾生一何幸。田

歷代詩選 宋 卷之六 三  
里又豐年

用鄭滄梁韻簡園師

杖屨山蹊窄鐘魚佛界深寒梅殘屋角春薺老  
牆陰一水元無恙扁舟尚可尋煩師掬清溜爲  
我洗塵心

次胡伯仁韻

山長飛鳥急江濶去帆微唱晚幾漁笛憑高一  
釣磯從君濯冰雪滿袖得珠璣三歎不能已歸  
來吟夕暉

送胡仲立入京

昔對延英日諸公歎弗如敢言天下事不負案  
頭書此去朝雙闕懸知有異除榮途方駟駟未  
用曳長裾

次施真人韻

素鞞方多難丹砂倘一逢勿疑蕉覆鹿會見竹  
成龍澗水遠仍潔巖花幽更濃行行望仙宇知  
在最高峰

厭原山中曉行

碧雞夜半聲啁晰。喚起幽人步林樾。秋高風露  
着林木。無數寒花泣明月。松篁一徑宛如畫。石  
溜涓涓更清絕。山巔便好結茅蘆。莫待他年鬢  
成雪。

夜坐

爐火篝燈孰與同。此心吾欲付冥鴻。茅簷已作  
涉旬雨。蕙帳不禁連夜風。一段清愁詩句裏。十  
分寒事酒杯中。溪雲未用安排雪。且聽梅花試  
小紅。

玉山道中時赴掌故之命

麥苗堆綠菜花黃。一簇人家古道傍。酒熟不妨  
邀里巷。年豐贏得事農桑。世情只說宦遊好。客  
裏那知歸興長。我有平生簞笠在。釣絲何日理  
斜陽。

睡起書懷時諸公相勉再出

北窗終日廢書眠。一枕清風值萬錢。雲度茅簷  
輕冉冉。泉生石砌淨涓涓。不嫌雨脚花間注。要  
聽秋聲屋外傳。三徑初成吾欲老。幕中何用泛

紅蓮

有感時與李弘齋有約

去年今日西歸客。曝背茅簷又一冬。歲月催人  
雖迅速。簡編于我却從容。知名焉用詩千首。養  
病聊須酒一鐘。早晚杖藜脩水去。故人相約許  
相從。

懷范光伯再用韻

梅邊流水碧泅泅。都把相思付折梅。十載不禁  
雙淚落。一樽期慰九腸回。驚殘蝶夢鶻空喜。望

斷馬蹄人不來。咫尺雲山尚如此。天涯誰信得

追陪

用黃子益韻二首

青衫日日困塵沙。安用浮名與世誇。已過半生  
真似夢。未荒三徑且還家。恨無沈水紆香穗。喜  
有寒泉淪茗花。袖却西歸遮日手。園林幽處看  
桑麻。

睡起歡然思慮少。病餘猶覺應酬艱。招搖風月  
聊須竹。收拾煙雲幸有山。但要世緣隨水斷。莫



憂詩債幾時還。追奔富貴非吾事。且占林泉一味閒。

題懷秀堂

莫教滿地長莓苔。杖屨從今日日來。曲徑要隨松巷轉。柴門須對石梁開。墻頭花木因時種。案上圖書任意堆。幸有林泉堪寄老。恐將雙脚踏塵埃。

大雪次前韻

誰知天巧出玄機。但恠飛瓊過眼奇。暝立風枝寒雀倦。愁吟冰谷曉猿飢。蘆花洲渚月明夜。柳絮池塘春暮時。此景人間不長有。寫真傳影正須詩。

兀坐有感

意行曾到楚江腰。占得雙泉第一寮。窗戶邃深鐘磬遠。客塵都向靜中銷。

癸亥夜夢

丙夜清眠正熟時。夢魂飛去拜丹墀。小臣乍得披肝膽。感慨分明涕淚垂。

次余仲庸松風閣韻六首

飛花數點雨初歇。啼鳥一聲春正長。讀罷黃庭  
了無事。旋安銀葉試爐香。

已著遺經洗此心。更尋流水濯吾襟。經旬不涉  
溪邊路。荇帶苔錢如許深。

霧閣雲窗先自幽。水聲那更繞牀流。春深紅雨  
落桃徑。晝永清風生茗甌。

簷間新燕幾時來。簷外閒花徃歲栽。丹杏碧桃  
花落盡。綠陰低處結青梅。

淡月籠花花映窗。好風吹竹竹浮香。夢回何處  
一聲笛。人靜山幽天正涼。

爲憐風雨趣春回。故着秋花到處栽。蘭菊從來  
盛風味。不妨環繞讀書齋。

宿翠巖寺呈李弘齋僉判

匡廬勝處君曾到。誰是淵明與遠公。幸有和陶  
詩卷在。好依蓮社此山中。

寄宋居士脩叔求庵記

翠琰新刊照眼明。流傳何日到柴荆。從今不恨

論交晚我亦碑中有姓名

日出

日出柴門尚懶開綠陰多處且徘徊  
槐花滿地無人掃半在牆陰覆紫苔

早作二首

井梧飛葉送秋聲籬菊絨香待晚晴  
斗柄橫斜河欲沒數山青處亂鴉鳴  
北窗清冷不成眠風遞蛩聲到枕邊  
試喚兒童捲疎箔一簷花影月娟娟

秋

數聲牧笛日將晚一曲樵歌山更幽  
解帶盤桓小溪上坐看紅葉汎清流

上元憶大梵明燈

經年不到豫章城燈火遙聞鼓吹聲  
却憶秋屏臺上寺絳紗青玉幾長明

九日

籬落黃花尚自無白衣猶未到吾廬  
莫令此日負佳節爲展淵明采菊圖

次仲庸初冬卽事

常歲霜天分外晴，一溪如練浸冰輪。今年風雨寧無夜，誰與谿梅作小春。

君家秋實洞庭種，小子持來獨未黃。莫作蘇州書後夢，只今惟欠滿林霜。

寄元齡弟

季也東歸何太遲，伯兮西望屢吟詩。茅簷昨夜雪深尺，人在蓬窗知不知。

雪中再示元德元齡二弟


平生簞笠慣衝寒，長憶江湖把釣竿。昨夜北窗聞雪作，夢魂飛到子陵灘。

青青窗外幾脩篁，也學宮梅巧樣妝。說與惠連須着句，雪邊春色到池塘。

再用韻寄弟

無人低唱兩三卮，一任瑤瑤滿眼飛。羅襪暗塵應洗盡，月明吾欲看江妃。

憶昔騎驢犯曉寒，酒旗隨處認長竿。灞陵物物皆詩句，不用牽船八節灘。



歷代詩選 卷九十四 十一  
眼前脩潔獨脩篁。屢倩東風洗曉妝。學舞腰肢  
困珠玉。可憐官柳在寒塘。

再用韻

雪裏鷗盟故未寒。小舟南浦着漁竿。眼明似近  
月千里。衣冷欲迷雲一灘。

余從元德第借到西郎書齋。朝夕其間。今  
二年矣。題戲作病僧寮云。

華髮蒼顏一病僧。向來文史頗關情。只緣世網  
無由脫。遂學枯禪度此生。

病僧行脚歸來後。百事無心每閉寮。日射竹窗  
風葉亂。煙凝香鼎篆紋銷。

寄元齡第

莫怪窮年不入州。載書前已會盟鷗。市朝畢竟  
多塵事。且傍溪山靜處留。

少年妄作功名想。說着長安喜欲狂。多病年來  
怕奔走。却思雲壑置藤牀。

元齡第寄悲秋四詩因次

支離病骨怯初寒。眼底清愁更萬端。勉和新詩

寄鴻雁江城夜月覓君看

余既得烏石岡西望葛壇在雲霄中相去

雖遠山勢不斷林木歷歷可數異時乞

靈仙翁不難矣喜而成詩寄葛壇主人

東西知隔幾牛鳴山勢綿綿若引繩待向岡邊

結茅屋幅巾遙禮夜壇燈

寄張仲符時得烏石岡地

今人那似古人賢一錘隨身日醉眠此老有靈

應笑我區區常費買山錢

可田天地有長久此訣劉郎却未傳他日馭風

運鳥去謾留陳迹在山巔

酬余求之

枕中久已黃梁熟鏡裏從教白髮垂但得漁樵

分半席此生何必與人知

雨後輕窗無一塵窗前松竹更清新不妨踏徧

莓苔地遺我青鞋有故人

別曹教授

從渠柳色自青青莫爲行人賦渭城只恐南牆

舊時竹誤隨風雨作離聲

江花听柳太多情長逐春風管送迎我亦思歸  
歸未得夜窗愁聽杜鵑聲

有感

三四知音總道山荷鋤吾獨在田間人言病驥  
猶堪秣伏櫪何心十二閑

題老悟畫卷

吏隱三年楚水頭每隨鳧雁杙扁舟歸來喜色  
驚隣里分得瀟湘一片秋

宋詩卷之九十四終

古梅吟稿引

閱吳君式賢詩稿句老而意新咀之雋永殊非  
苟作聞其閉戶讀書孜孜忘倦經傳子史靡不  
究心所以膏其墨端者有自來矣雖然學所以  
脩身多識前言往行所以蓄德德裕于身則措  
諸事業光明俊偉豈日能詩而已式賢勉之景  
定壬戌左丞訥齋程元鳳書于清忠堂

岳伏得和杜集夔府百韻見賦大篇春容琅琅  
金石之聲也老懶再廢不盡贊揚皇恐之劇惟

一笑而已同郡秋岩方岳頓首

石倉十二代詩選

宋詩卷之九十五

古梅吟藁

宋新安吳龍翰著  
明後學曹學佺閱

飲馬長城窟

漢兵北伐胡飲馬長城窟此城何以高鋪填戰  
夫骨此池何以深戰血化為汁秋風吹水腥馬  
聞亦辟易馬渴可奈何要馬載金戈長安有遊  
冶走馬燕支坡

嘉禾沈園



景物何其異。虛岩人力成。清池沈鳥影。高樹落  
蟬聲。花日樓臺麗。香風簾幙輕。客來堪一借。莫  
恹百杯傾。  
嘉禾舟中  
趁得東風便。千錢買一舟。嘉禾三日路。陰木四  
山秋。野色緘詩思。鶻聲替客愁。煙波渺無際。是  
處可盟鷗。

重陽客中

愁裏重陽近。他鄉酒易沽。秋風詩髮短。寒夜客  
燈孤。笋笠月穿破。荷衣霜打枯。有懷吟不就。端  
不爲催租。

感興

閉門逃俗客。携酒過禪關。竈古茶煙斷。碑殘雨  
蘚癡。秋僧行影瘦。夜鶴病翎寒。片月隨人到。孤  
琴對佛彈。

詩境

流水環詩境。未容塵土侵。步迂莎徑曲。坐占草  
堂深。秋句蛩分和。山杯鳥勸斟。好懷無客共。相

對一瑤琴

謾題

放曠疎林下，清風吹鬢毛。  
傍梅讀周易，對酒歌離騷。  
詩思秋雲淡，古懷明月高。  
五湖天地別，煙水綠平篙。

夏日書事

園林數間屋，長掩竹笆籬。  
亭柳拂棋局，瓶花落硯池。  
蝶狂如被酒，蟬咽似吟詩。  
脫帽掛岩石，涼颺入髮絲。

寄題友梅堂友梅廼吳竹洲之孫

公昔洲多竹，而孫梅作堂。  
月窗傳瘦影，風壑度寒香。  
友也真魚水，兄今可雁行。  
相看動吟興，時吐玉琳琅。

吳越歸秋晚

湖海歸來晚，園荒菊幾叢。  
秋山吟骨瘦，霜葉醉顏紅。  
弔影寒溪上，懷人落月中。  
青燈滋味永，不用哭途窮。

樂府三首

妾心江岼石千古無變更郎心江上水倏忽風  
波生

製衣寄夫婿妾有冰雪段中間連理樹不忍剪  
交斷

殘月小樓西鶉啼思欲迷妾夫在天南何不那  
邊啼

俠客行

擊筑復擊筑欲歌雙淚橫寶刀重如命命如鴻  
毛輕

牛首山觀楊子江

巨靈擘破此山石鞭起九龍入空碧山分爲兩  
谷不成夾住長江數千尺九道驚湍相擊撞雷  
聲怒發誰敢當金牛恠獸不可數往往殺氣侵  
肌涼嗚呼蜀道古來難燒棧能斷人往還一夫  
可敵百夫勇天險惟有秦函關固知長江當城  
壁立此界限分南北東南王氣無窮年此江未  
必成桑田君不見逆亮百萬鼓腥風海鯨出鬪  
天掃空書生不能長鎗與大劔只坐帷幄收奇

功

題國直先伯祖海潮賦後

銀山突兀滄海頭。夜半鼓噪萬貔貅。爭雄角力  
轉坤軸。旋磨塵世偕浮漚。朝朝暮暮自消長。誰  
言于此隨海鯁。鴟革累尸已塵土。未必怨怒卒  
不休。看公立論屈前輩。筆端有力挽萬牛。孤峰  
絕岨氣象古。亦復燦燦珊瑚鉤。分明掘見陰陽  
根。判斷造化之深幽。玄機發泄天帝嗔。此文政  
恐雷電收。不然亦似畫鳥跡。長夜鬼哭聲啾啾。  
公自騎鯨去。不返滿江明月蘆花秋。

西湖曲

十里風光煙水白。峩峩帝城紫霧隔。笛聲吹斷  
蒲葉風。鷺飛界破青山色。湖波鱗鱗織成縠。翠  
蓋紅幢機上簇。長安富兒美少年。馬蹄踏踏香  
塵撲。畫舫誰家窈窕娘。半額鵲黃時樣粧。玉手  
折花嬌無力。花枝半折銀絲長。隔花躊躇意相  
屬。稍稍談笑聞餘香。頽陽西落漢水遠。無計問  
覓雙瓊瑤。巫山高哉。但入夢安得插翮飛其傍。

君不見吳姬采蓮自唱曲君王尚在舟中宿

春晚郊行

芒鞋竹杖出柴關簡點園林脚不閒翠幄初張  
花作局錦裯成列笋爲班煙波鷗鷺春風外桑  
柘牛羊夕照間楚興不須邀客共芳樽濁酒對  
黃山

秋日遊竹會寺

竹樹陰陰古道場埜仙仙去地荒涼晚山俱似  
佛頭綠秋草不如僧髮長白墮莫辭今日醉黃

花仍作去年香禪翁留客殷勤甚相對藤牀語

夕陽

嚴陵釣臺

青壁千尋屹曉寒何年人插釣魚竿煙霞不受  
衣冠玷天地那如簑笠寬幸有肩黃屋貴不  
妨伸脚白雲端能令漢室祗增重可作巢由一  
例看

夜泊富陽

片帆東去逐鷗輕浦得天公十日晴新酒一壺

詩幾首故鄉千里月初更煙收山翠揩摩淨風  
軟江波熨貼平苦是狂懷費消遣船頭吹笛到  
天明

散髮

玲瓏窗戶午晴時散髮林間自一奇鳥睡香奩  
花影動蟬吟涼境柳陰移高山流水琴三疊明  
月清風酒一卮是要閉門妨俗客休令到眼敗  
吾詩

行春次俞允頤

幾日春愁不出行園林又是了清明春風桃李  
一場夢夜月江山千古情吟倚長松伺鶴到坐  
分危石看雲生此懷不解自拈出謾譜離騷入  
笛聲

其二

多謝春風相此行馬蹄十里殘陽明故人楊柳  
正年少知己青山舊日情思滿天涯芳草遠望  
窮江際暮雲生司來佳客自不俗相對松陰聽  
瀑聲

坐中詠蟬韻得飢字

兩翼纔乾殼已離便升林木最高枝銀牀梧落  
秋風裏金掌盤欹曉露時斷續翻成無調曲悲  
涼拈出苦吟詩前身應是夷齊輩高卧西山自  
忍飢

白紵詞

吳宮煙水碧迢迢如鱗金屋凌琅霄北方佳人  
顏如花素衣濯濯明朝霞雲母屏風真珠箔香  
銷金鴨春寒薄璧月流光羅綺進白紵舞殘西

月落君看月落夜潮平吳江濶今越江深吳王  
醉去越王醒

贈劉後村

騎却青鸞上禁林崖崖聲價重千金花磚日轉  
瓊箋暖蓮燭星歸玉漏沈翰墨挈來三昧手絲  
綸畫出九重心春風已築沙堤路天上虛皇屬  
意深

晚舟過臨平

煙鐘喚起夕陽愁渺渺臨平春事幽惟有風蒲

歷代詩選 宋吳文正公集  
愛吟客，听邊撩亂，縮行舟。

春晚留淮上

淮山歷歷春雲澹，淮水湯湯夜月輝。此處杜鵑啼不到，江南行客未成歸。

拜林和靖墓

老鶴高飛入白雲，空餘殘照管孤墳。清風千古鎮長在，見著梅花如見君。

久客買舟西還

萬里煙波興渺然，愁心繫住灞橋邊。歸裝詩少

不成載，自拗梅花湊滿船。

宮人斜

碧玉重重鎮墓門，靦膏點火照黃昏。春風幾度生芳草，還似君王舊日恩。

嚴灘對月憶雪壺六弟

仝君看月此徘徊，今夜月明君不來。安得清光刀剪破，爲分一半到泉臺。

水邊早梅

數花黯淡帶寒煙，漏泄春光矮屋邊。會被清池



寫疎影一枝分作兩枝妍

題王荆公讀書堂

六籍紛紛盡可奴，翻騰字說乃菑畬。可知山半青燈夜，只讀商君一卷書。

繁昌道中

江晴日暖竹爲輿，獵獵春風載此臞。湔入灞橋成一畫，楊花吹雪糝吟鬚。

張麗華墓

金井轆轤春夢殘，香魂飛不到長安。君王爲虜

妾爲土，夜月分爲兩地寒。

草堂

蒼煙落日草堂深，淺淺寒侵白玉簪。等客不來童睡去，自搖脩竹和新吟。

春寒

二月漫漫雪滿山，羣芳擔閣未堪觀。亭間酌酒且沈醉，要爲小園花暖寒。

樓居狂吟

茆蓬梅着市廛間，長與青山面目慳。突瓦小樓

初結就藤牀石枕卧看山

湖海真成萬里遊寒風吹破黑貂裘歸來卧占樓千尺夢落滄波明月舟

樓間丹壁富藏書悞學相如賣子虛何不買牛勤教子邵平瓜地要人鋤

覓得樓中一覺眠將身化蝶入壺天平生睡債何時足春在梅花紙帳邊

附李燾詩

客懷五首

客墮塵土幽居懷翠微只餘清夜夢長作故山歸菊已開三徑松應長十圍晨鐘忽驚覺猶有露霑衣

寂寞三秋節淒涼萬里風關河盡形勝人少幾英雄秦葉隨流水周禾滿故宮此心懸魏闕夢遶浙西東

壯矣府中縣索如城外村墨池今掃迹石笋舊餘根風急漢絃斷雨多秦鏡昏新秋一懷古情緒若爲論

雨意忽如此客愁將奈何出門誰可詣掩卷獨  
高歌塵世兔三穴古人蓬一窠區區奚足道默  
默幸無它

長憶在家好已知從仕難紛紛猶嚇鼠悄悄政  
栖驚忘意躡高位敢言卑小官世途真甚隘懷  
抱要須寬

過淨名院觸目都似曾到問訊乃非也戲

題絕句

入門髣髴記曾來問訊山僧始此回却覓舊遊

無是處只應形似遣人猜

世間形似巧迷人總是安排底處真縱復非真  
猶足喜得來聊寄夢中身

附鞏仲至詩東平人學于東萊

曉起甘蔗洲

曉起東風惡晴嵐忽變昏船隨山共走霧與水  
相吞鉦鼓遙知寨桑麻畧辨村雨來無準則容  
易濕柴門

夜雨曉起方覺

夜雨鳴簷送五更不驚高卧最多情窗間細視  
花無恙牆外隨聽屐有聲數把柔絲堤柳嫩一  
奩方鏡闌波清出門眼界殊明潔但覺春寒處  
處生

晨征

靜觀羣動亦勞哉豈獨吾為旅食催雞唱未圓  
天已曉蛙鳴初散雨還來清和入序殊無暑小  
滿先時政有雷酒賤茶饒新麪熟不妨乘興且  
徘徊

離建

旅中多得早朝晴野潤衣襟苦未清時時數點  
雨猶落隱隱一聲雷不驚山入夏來差覺老花  
從春去久無情長汀又涉來時路麥隴桑村小  
問程

附徐致中詩

夏日懷美

流水階除靜孤眠得自由月生林欲曉雨過夜  
如秋遠憶荷花浦誰憐杜若洲良宵恐無夢有

夢卽俱遊

夏夜同靈暉有作奉寄翁趙二友

齋居惟少睡露坐得論文涼夜如清水明河似  
白雲宿禽翻樹覺幽磬度溪聞欲識他鄉思斯  
時共憶君

初夏遊謝公巖

又取紗衣換天時起細風清陰花落後長日鳥  
啼中水國乘舟樂巖扉有路通州民多到此猶  
自憶髯公

夏日湖上訪隱士

煩暑何能避孤舟訪隱人水鄉菱藕熟晴野稻  
苗新爲學師前輩談空悟宿身鏡湖三百頃不  
似此湖濱

又寄

庭深自無暑苔徑復繁紆賓客不長到兒童自  
可娛荷花晴帶粉蒲葉晚凝珠與我城闔隔茲  
歡想不殊

山居

柳竹藏花塢茅茨接草池開門驚燕子汲水得  
魚兒地僻春猶靜人閒日自遲山禽啼忽在飛  
走又相隨

登橫碧軒繼趙昌甫作

步陟高高寺徐行不用扶青天晴又雨山色有  
還無句向閒中覓茶因醉後呼斷懷論未足何  
乃又征途

不食姪

惟誦天童呪飲泉能不飢只緣多自譽畚以致

人疑賦質全如鶴謀生却似龜綠華通籍後會  
報女仙知

六月歸途

星明殘點數峰晴夜靜微聞水有聲六月行人  
須早起一天涼露濕衣輕宦情每向途中薄詩  
句多于馬上成故里諸公應念我稻花香裏計  
歸程

附姜夔詩

范大叅入覲頗愛鄙作以詩謝之

問句石湖老如將日指標枯中說滋味高處戒  
虛驕頗喜唐音近寧論漢道遙正聲今在耳萬  
樂聽簫韶

小孫納婦

慶事集朋親孫枝喜氣新歌雲停碧落舞雪眩  
青春暖日花君子清樽酒聖人一春行樂地不  
負牡丹辰

呈方叔

聱牙落魄一閒官職事何嘗見一斑不是論松

須說劔若非尋壑卽觀山閒看落葉隨風去不  
笑奔雲送雨還更有劉巖楊處士伴渠癡坐老  
花間

夏日奉天台祿

青天揮箠卧藤牀翠袖携壺過酒漿蝟腹出波  
烹芡實裹蹄和露擘蓮房相呼時入雞豚社獨  
坐曾無雁鶩行便是赤城真隱吏不須劉阮更  
相將

冬夜不寐

宵柝迢迢警睡魔。靜思甘分老林坡。忍飢但有  
嵇康懶扣角。曾無甯戚歌。不起妄心思。世事只  
將閒意養天和。時人休說長生術。學着長生事  
轉多。

閒詠

虛糜廩祿飲醇醪。不押文書不坐曹。簡點園花  
爲日課。哀尋詩草計年勞。仍將書冊供慵卧。時  
喚杯盤佐老饕。感激大恩何以報。惟祈聖壽與  
天高。

負暄

不是羲和德澤流。寒鄉何處覓溫柔。絕憐天上  
黃綿襖。大勝人間紫綺裘。旋挾胡牀隨影轉。更  
携書卷與閒謀。天和妙處誰能會。欲獻君王却  
自羞。

和陸放翁見寄

遙知三逕長荒苔。解組東歸亦快哉。津坼紛紛  
羣吏去。船頭袞袞好山來。平時佳客應相過。勝  
日清樽想屢開。若許詩篇數還往。直須追挽古



風回

和陸放翁

午庭風雨撼高槐。一洗城頭十丈埃。老子坐間  
尋句好。故人門外寄詩來。勁鋒久服穿楊妙。鈍  
思深慚擊鉢催。清佩左符君未可。要聽吟思發  
春雷。

寄汪尚書

五十年間歎濶疎。相忘兩地復江湖。書來筆底  
驚強健。詩去吟邊想步趨。好對青山看歌舞。莫  
嫌紅粉笑髭鬚。鳳毛已有啖松韻。尚記金華舊  
範模。

送朝天集歸楊誠齋

翰墨場中老斲輪。縱橫一筆掃千軍。年年花月  
無閒日。處處江山怕見君。箭在的中非爾及。風  
行水面偶成文。先生只可三千首。回施江東日  
暮雲。

石倉十二代詩選

宋詩卷之九十五 終

彈對

兼珠林笑

宋史列傳

劉宰字平國金壇人既冠入鄉校卓然不苟于  
 去就取舍紹熙元年舉進士調江寧尉江寧巫  
 風為盛宰下令保互相糾察徃徃改業為農歲  
 旱帥守命賑荒邑境多所全活有持妖術號真  
 武法穿雲子寶華王者皆禁絕之書其座右曰  
 母輕出文引母輕事箠楚緣事出郊與吏卒同  
 蔬食水飲去官惟篋藏與王簿趙師秀酬倡詩  
 而已調真州司法詔仕者非偽學不讀周惇頤

等書方得考試宰喟然曰平生所學者何首可斷此狀不可得卒弗與授泰興令有殺人獄具謂禱于祠以殺一人亦忽三躍乃殺三人是神教我乃請之州毀其廟斬首以徇父喪免至京韓侂胄方謀用兵宰啓鄧友龍薛叔似極言輕挑兵端爲國深害迄如其言爲浙東倉司幹官職事脩舉亟引去默觀時變頓不樂仕尋告歸監南嶽廟江淮制置使黃度辟之入幕宰辭曰君命召不往今矧可出耶嘉定四年堂審召

命且再下不至時相亦屢諷執政從官貽書挽宰宰峻辭以絕俄題考功曆示決不復仕理宗初卽位以爲籍田令屢辭改添差通判建康府又辭乞致仕乃以直秘閣主管仙都觀拜改秩予祠之命辭秘閣不允端平元年升直寶謨閣祠如故且盡還磨勘歲月未幾遷太常寺丞郡守以朝廷趣行不得已勉就道至吳門拜疏徑歸一時譽望收召略盡所不能致者宰與崔與之耳帝側席以問侍御史王遂且俾宣撫遷將

作少監又以直敷文閣知寧國府皆不拜進直  
顯謨閣主管玉局觀帝猶龔宰一來也召奏事  
訖不爲起自號漫塘病叟年七十四卒鄉人罷  
市走送袂相屬者五十里人人如哭其私親朝  
廷嘉其節謚曰文清有漫塘文集三十卷語錄  
十卷行于世

漫塘集序

終

石倉十二代詩選

宋詩卷之九十六

漫塘集

宋金壇劉宰著

明後學曹學佺閱

東陽道旁涵碧亭

四山委蒼翠一沼湛清漣雲飛松竹礙石墮藤  
羅牽泉音亂絲竹鳥語賡笑言斯亭作者誰俛  
仰四百年棟宇有興廢篇章足流傳官道紛往  
來此地曠周旋乃知造物意以遺靜者便我來  
早曠餘龜兆圻平田攀崖遡源委石竇鳴涓涓

摩娑兩石魚變化定何年

訪陳廷瑞有感

間維有常度。曜靈無停軌。翩翩葉辭柯。過眼綠  
已稠。弱幹不盈尺。忽已高岑樓。念昔過庭日。朋  
來悉良儔。我年未成章。子少無與侔。我質本駑  
駘。蹇步畏阻脩。子如渥洼駒。猛氣已食牛。當時  
二老人。笑語歡且酬。門戶各有託。寧計才與不  
登門如昨日。星紀踰再周。前賢安在哉。體魄歸  
山丘。

漫塘觀雪分韻得遠字

入臘甫自茲。得雪殊不晚。凝寒祛厲氣。積潤滋  
麥本。清興浩無極。步履忘足蹇。扣門呼石交。勁  
縮語猶寒。挾携事登眺。南去還北反。所向遊目  
礙。儻若虎就圈。歸來漫塘上。四望與天遠。簑重  
漁舟歸。煙橫樵舍飯。稜層敞瑤池。燦爛開瓊苑。  
玉龍擁寒城。銀海迷疊巘。頗喜漫翁貧。覽富逾  
北阮。呼兒具杯酌。探掇翻蔬畹。不辭多酌我。自  
愧飲河颺少焉。歛夕氛。桂魄爭婉婉。翻思造化

工舒卷意難付。方其陰風壯。一噫萬象偃。聚將  
藪澤平。散欲天壤混。端疑冰山固。可但拳石狺  
及其遂離析。去去不可挽。日月麗太清。草木被  
餘暖。區分鏡出匣。渙散渠決堰。向來天壤間。了  
不計增損。吁吸一氣爾。人當解茲悃。恭惟聖明  
君。憂民中。縷繆方。冬祈瑞。應此日。慰勤懃。貴瑞  
不貴多。真宰亦知禱。公等調元手。聖世須補袞。  
未應事閒曠。巖壑慣棲遯。我智拙于鳩。一枝聊  
自穩。但喜占豐年。努力務耕墾。

崇禧夜坐

淮浙千萬山。茲山鍾秀異。山中四時好。雪景更  
佳耳。危樓俯八荒。豈無超詣士。春遊眩紅紫。秋  
賞挹蒼翠。衝寒繚冰崖。問訊世能幾。山神出奇  
觀。似慰遠來意。漫空飛六花。匝地掩蕪穢。頗疑  
羣玉府。飄墮人間世。又疑姑射僊。與物洗疵癘。  
意行輒有得。曠望了無際。更欲呼雲車。御風駕  
六氣。舉酒酌初平。迢迢聊卒歲。

送友人歸茅山

峩峩三茅峰秀出雲雨上疑有避世士卜築便  
幽曠菊英當朝餐蘭佩拂千障我行未之見徘徊  
幾惆悵子居山之西昔聞今見之厭和下里  
曲浩歌商山芝山林久寂寥遲子相發揮間關  
整車軸萬里端自茲

夜夢續句

乙丑四月四夜夢中得句云昏旦視生  
死又云不種桃與李覺坐而思豈吾壽  
不延歟因就枕上足而成詩

大化賦羣有脩短亦天只彭殤誰得失鵬鷗均  
適已我今識其然昏旦視生死青青竹籬下不  
種桃與李老薺怙春柔叢蒿麗芳吉耘鋤藉人  
力四時自終始屬饜幸朝夕過計胡爲爾勿笑  
趙孟偷甚矣吾衰矣

送李秀巖歸蜀

平生秀巖翁嘉遯輕朝衣聖朝重特招趣駕不  
容違我豈匏瓜哉先聖固所希長江一萬里舟  
行疾如飛東南盛人物十九飮甘肥頗藉子公

力寧知伯玉非翁豈好異同日余起布韋豈比  
淮之水東下雜於淝論奏了不阿正直鬼神依  
讒言嗟止棘日歸詠采薇歲晏江濤平雨雪從  
霏微懸知到家日花竹遶山屏

吳門道歸書懷

投閒三十年日與木石俱暮景際休明搜羅逮  
樵漁洪造賜甄收羣公交薦書殷勤奉明詔婉  
戀辭田廬一寒不自揣五窮暗柳榆行行步京  
畿迎勞多軒車眼青見故人皆歎此老懼形容

不自惜奈此氣昏愚席間迷舊識筆底誤新書  
十日所共睹一語良非虛儻昧知止戒不反田  
園居去去入脩門蹇步接天衢深虞眩聞見狂  
易滋發舒願天寫真情浩歌賦歸歎

贈九華程兄

君家九華山山翠常在目雞犬聲相聞山腰幾  
隣曲本同枝葉蕃無若君之族當年紫橐翁一  
念盡親睦俸餘不自有買田徧溪谷計口給之  
食昏旦常陸續吉凶更資助當使有餘蓄只今



大江南盛事君家獨。若歸廣此意勝處新。卜築  
周遭植名花。中間敞家塾。少長驅之學。母闈親  
疎屬庶幾子。又孫更衍無窮福。亦俾作法人。百  
世流清馥。

松風軒晚望

遠山亞歸雲。黯淡與天一。近山過餘雨。淨掃峰  
已出。式喜鳩喚婦。寧憂月離畢。擔簦彼誰子。蹇  
步泥沒膝。舉頭望天永。一笑失愁疾。應知扶桑  
東。明朝浴晴日。

喜客泉

物我未忘情。無情惟止水。底事山中泉。客來如  
有喜。悠然鏡面平。倏爾魚眼生。依焉開笑面。似  
與客逢迎。客喜泉豈知。泉笑客何有。邂逅深山  
中。聊結無情友。

偶成二首

月下浮舟去。雲邊曳杖行。物華隨節換。人意與  
秋清。小圃蔬逾潤。荒叢菊向榮。幽尋元自好。底  
用絆浮名。

歷代詩選 卷之六  
地曠晚逾靜山空月倍明  
銀河橫灝氣石澗伴  
吟聲颯颯迎風葉飛飛  
濕露螢歲華行晚矣爲  
爾一凝情

天台道中

花重朝霏散鳥啼春意深  
風光自流轉行役負  
登臨澗水流新綠山雲捲  
夕陰病容兼白髮漂  
泊此時心

馮公嶺

地隘山逾峻人勤俗不奢  
時培石上土更種竹

間茶接畛田成篆連筒水  
濺花征塵如不到老  
我卽東家

長林場海邊道士

海霧晚逾合海風春更寒  
衰顏欺薄酒老膽傲  
驚湍叢竹人家近平沙  
客路寬明朝應更好山  
翠撲征鞍

松江道中

久作松江夢重來泛短篷  
淡雲飛鷺雪枯葉戰  
西風煙末三家市波心一  
釣翁鴟夷身計耳吳

越等成空

偶成

木落山呈骨，泉空水返源。知時秋燕去，負日午  
蜂喧。玉粒炊晨甑，金英卧晚園。歲華今已暮，身  
世兩忘言。

送傅守伯成歸

煩暑歛清曉，西風生遠林。客懷感素秋，歸夢越  
千岑。祖帳城南門，藹藹萃華簪。舉觴忽有贈，去  
矣無遐心。

其二

堂堂司馬公，獨樂五畝園。歲月坐成晚，花木亦  
已繁。世事尚可為，石交有遺言。歸來默無語，拊  
石弄潺湲。

卽事有懷

千山收宿靄，一氣藹金行。爽吹舒澄碧，晴暉麗  
太清。徘徊望前嶺，徙倚步南榮。為問蓴鱸客，何  
須身後名。

儀真雍生見和因再用韻兼懷儀真

歷代詩選 宋鑿文清  
北觀憑欄望西橋信馬行朋從有名勝風物正  
凄清亂定人煙改春回草木榮遙憐舊遊處壞  
壁暗題名

和韻呈李果州

行樂非吾事朋從慰此生劇談忘夜永起立覺  
晨清黃獨幽人供朱絃太古聲他年盛山集不  
假退之評

丁亥冬感懷寄趙章泉

我屋方茅下君家闕楚交鹿門知得計燕幕未

安巢澗谷泉堪飲山田飯可抄應携靈壽杖雪

藥嗅梅梢

題茅山澗墨池慶雲庵

路轉幾山腰地尋雙海眼澗咽呂公泉橋橫蜀  
道棧主人去不歸山空春事晚何時具蔬筍開  
門延客飯

碧雲卽事

唧唧秋蛩鳴耿耿秋夜長簡編負初心枕簟怯  
新涼朝曦入疎牖宿雲散前岡歸歟一葉舟浩

歌聽滄浪

送王穎叔分教山陽

向來肉食昧遠謀。坐談欲復千古讎。良牛不逐  
勝詭遊。毛錐竟作書生羞。楚山蒼蒼楚水流。甲  
光向日金鱗稠。酒闌一笑看吳鉤。將軍意氣傾  
九州。先生身短智則脩。百鍊可使繞指柔。安邊  
端藉帷幄籌。泮宮還獻馘與囚。英聲南來動冕  
旒。貂蟬未必生兜鍪。

寄和趙章泉

章泉先生虎豹章。餘子駭逐狐兔藏。少陵遊不  
返。衡湘孤吟風月老。林塘駕鶩不送置。我傍悵  
望空勞水一方。廣文別日天未霜。殷勤寄音示  
無忘。新詩寫作鴻雁行。憐我病骨猶未康。續貂  
聊復寄歸航。宮牆百雉如金湯。登門歲月知何  
當。江湖極目煙波蒼。

題解生山水圖

長江之水西南來。江北江南圖畫開。君從何處  
得此景。錦帆似泛長江回。槎牙老樹連荒島。兩

兩人家出林杪。鷗飛欲下洲渚。寬雲橫不斷。關山杏。圖窮雙嶼。金焦峙。仙宮縹緲。浮寒水。拖樓振轉。吳波平。閶闔中天。日月明。

石翁姥

采石江頭風晝息。掀天雪浪。匹如席。浚崖小泊。客心寬。攀蘿曾看。望夫石。天涯望斷。人不歸。露寒猶想。淚沾衣。爭似石翁携石姥。年年對峙。夾岡道人。歸人去。我何心。雨沐風餐。人自老。比翼鳥。連理枝。年多物。化徒爾。爲長生。殿裏知不知。

過司徒墓

司徒墓荒塚纍纍。不知數。草中翁仲。無復存。壟上牛羊。自朝暮。想見當時。百萬松。佳城在處。鬱葱葱。車馬時來。卿相子。鐘魚聲出。梵王宮。年深事遠。無留蹟。只與耕夫。資墾闢。萬古同成一斛。歷官爵。高卑誰汝識。

北固山望揚州懷古

北固城高萬象秋。煙竿一縷認揚州。試乘綠漲三篙水。要見朱簾十里樓。淚濕宮衣朝霧重。愁

歷代詩選 卷之九十六  
薰寒草夕陽浮。隋堤舊事無人問。兩兩垂楊繫客舟。

過蘭亭

茂林脩竹翠參天。一水西來尚折旋。欲泛羽觴追往事。悵無嘉客繼前賢。短章回寄二三友。勝踐堪尋八百年。笑拂蒼崖題姓字。爲言曾此掬流泉。

喜王節夫過訪

我方巾角子勝冠。我老君猶髮未斑。可但孤生

多疾疢也。輸華館富清閒。交情敢忘鶯求友。野性終便鹿在山。何日歸歟同里社。杖藜來往翠微間。

賀陳子揚致仕追贈父母

一笑相逢意自親。別來庭樹幾枯榮。流傳郢客陽春句。想見鴟夷萬里情。賈傅才能通國體。柳州文字占時名。何如一棹洮湖去。獨泛滄波弄月明。

代李居士謁王去非制幹

僑居無地寄生涯。布襪青鞋着處家。太乙虛舟  
想蓮葉。玄都活計問桃花。不堪衆口貧爲累。坐  
使孤生髮半華。儻詐侏儒均賦粟。不妨老子自  
餐霞。

送邵監酒兼柬儀真趙法曹呈潘使君

儀真來往幾經秋。風物淮南第一州。山勢北來  
開壯觀。大江東下峙危樓。沙頭縹緲千家市。鱸  
尾連翩萬斛舟。去去煩君問耆老。幾人還得守  
林丘。

懷徐表兄

一笑相逢句曲天。別來十五換流年。忍思清渭  
瓊瑰詠。無復通泉寶劍篇。北渚春回芳樹合。西  
山日暮碧雲連。雁來數寄平安信。無限相思若  
箇邊。

毗陵邂逅京口同舍湯叔厚

雞犬相聞里社同。琴書曾共客儒宮。南樓夜醉  
三更月。北固秋吟萬里風。去嘗羨君勤採藻。遊  
吳愧我尚飄蓬。相逢便與論心曲。莫笑依然舊



阿蒙

和張寺丞謝惠河鮪韻

鼎來佳句仰謙亨。春入池塘草正生。清夜擬陪  
簷雨酌。暮天應對碧雲橫。迢迢莊叟一枝隱。富  
貴齊人五鼎烹。戟衛肅迎揮手去。蘇州應愧此  
時情。

和湯叔永

底須彈鋏歎無家。自有詩人賦子嗟。平世豈應  
遺燭武。暮年安可傅長沙。爲隣幸賜千金諾。進

德相期一簣加。欲泛五湖觀浩渺。興來還可共  
浮槎。

送姜君王赴省

樽酒論文弱冠前。交情老去只依然。久荒三徑  
無來客。細撥清燈話昔年。少日功名誰汗簡。舊  
遊江海半華顛。君行試問都門柳。幾送銀袍上  
九天。

和題尊經閣元日觀雪

億萬飢民久顛天。天開上瑞豈徒然。深潭龜坼

歷代詩選 宋登來清  
寒莎底淺土蝗遺宿麥邊厲氣已消除日後祥  
雲飛墮曉風前醉吟樓上瀛洲客爲記三登第  
一年

送杜尉範秩滿還天台

眼看時事廢因循官路三年子獨勤袖有新詩  
頻教我邑無長策可留君向來過計憂周隕此  
去何時靜楚氛未必讀書盡虛語勉哉行矣張  
吾軍

謝湯生惠酒和來韻

國道吾猶及老成高秋離索不勝情朋緘已喜  
賢從事二缶那堪對麴生多病吾今同退鷁壯  
懷君可掣長鯨能來共醉西風否木落千山夕  
照明

奉酬友人登多景樓見懷

雲橫不斷古神州縹緲河山總戍樓此地幾經  
人北顧長江不在水東流犬羊萬里知離穴稻  
蟹三吳正得秋人事天時多錯忤一杯聊復潤  
吟喉

漫塘晚望

霽色催雲作晚霞。小橋却立听烏紗。雨餘菱芡  
新抽葉。秋早菰蒲未着花。燈影微茫行客艇。鐘  
聲縹緲梵王家。沈吟索句輸公等。我欲臨流理  
釣槎。

寄題戴氏別墅

聞君築室水雲鄉。一榻條然獨老龐。近挹荷香  
供几案。遠邀山翠入軒窗。自歌自笑遊魚樂。時  
去時來白鳥雙。何日過門成夜泊。一樽相與。

謝章泉再以前韻見寄

解印歸來白社劉。風標靖節許同流。詩來幾說  
鶯求友。老去自慙狐首丘。會合由來天幸耳。殷  
勤還識我心不。春回是處堪行樂。能復携錢掛  
杖頭。

送張端衝尉句容二首

梅僊西上古僊鄉。梅蘂先春特地香。自是邾人  
聞魯柝。懸知晉盜避秦疆。名山久合清蕪穢。窮

歷代詩選 卷之九 琴堂  
巷猶聞缺蓋藏。惠政由來要全美。須君努力佐  
琴堂。

其二

離鄉喜見似鄉人。君去家山祇北隣。令長垂髫  
同里社。交承握手記城闈。絃歌堂上寧忘舊。樽  
俎筵中必告新。若也從容問無恙。爲言魚鳥已  
情親。

送王去非服除造朝

疾風吹雨洗塵寰。北渚津頭水沒灘。

黃鵠舉。半生歸我白鷗閒。清名已至雲霄上。逸  
氣還充宇宙間。此去西湖重回首。淡煙疎柳認  
孤山。

代東寄張端衡

句曲山頭白鶴飛。遙憐綵棒正宣威。仙家有喜  
迎仙吏。客路無塵點客衣。月澹郊原從犬卧。秋  
高籬落任雞肥。子真東野齊名在。莫向西風苦  
念歸。

賀趙君父登第

歷代詩選 卷九十六  
詞場聞奪錦標歸。好是斑衣映綠衣。永日湖山  
供賞詠。好風宮殿正清微。堂新六桂光宸翰。庭  
秀雙芝煥彩闈。肯向長安誇得意。年來伯玉已  
知非。

送友人入京

郭內無田負郭居。杯中得趣世情疎。波間屢聽  
濯纓曲。架上時繙種樹書。萬里長風摧岍柳。一  
天清露屬園蔬。故人欲問平安信。爲說年來頗  
晏如。

送李季允侍郎歸蜀二首

淮海身如繫岷峨。路去賒相思。水雪裏却立嗅  
梅花。

交情契金蘭。燕樂非絲竹。我歌古別離。語盡君  
當續。

題儀真常平倉壁

苦被微官縛此身。汗衣亭午亞紅塵。維舟醉卧  
垂楊下。輪與江湖自在人。

過尤溪

尤溪塘上征人路。記得停驂一解顏。十載重來  
兒女換。似曾相識有青山。

題馮公嶺旅邸

層樓傑閣聳朱欄。樓下行人自往還。但見綵雲  
橫木末。不知身在翠微間。

題永嘉寺壁

石泉飛下寶蓮宮。似聽鈞天奏未終。千古風流  
謝康樂。將無屐齒此山中。

舟過惠山

小立船頭看惠山。山尖半在有無間。蠶眠未老  
秧方綠。且放煙雲自往還。

感春

隔溪啼鳥弄新音。繞听蒲芽迸綠簪。花事只今  
強半在。不妨風雨攪春陰。

七夕

天孫今夕渡銀潢。女伴紛紛乞巧忙。乞得巧多  
成底事。祇堪裝點嫁衣裳。

天台道中用陳氏園亭韻

歷代詩選 宋卷之九  
笄輿穿過萬重山。邂逅登亭一解顏。刺得題詩  
徧蒼石。舉頭羞見嶺雲閒。

秋懷

一抹紅絢日脚霞。千林暮靄納歸鴉。西風捲盡  
梧桐葉。乞與中庭散月華。

雲邊阻雨

輾轉無眠到夜闌。聲聲烏鵲近簷間。好風吹斷  
夜來雨。晴日放開雲外山。

又用前韻

薔薇籬落送春闌。筍甚園林早夏間。牛背牧兒  
酣午夢。不知風雨過前山。

黃梅

林梢脆寔薦辛酸。尚記兒時刮目看。老去齒牙  
無復昔。曉枝猶喜墮金丸。

題張瑞衡竹木石畫

槎牙高樹蕭稍竹。絕島風煙開短軸。更煩點筆  
作衰翁。嘯月吟風飲山淥。

送劉簿秩滿東歸

歷代詩選 宋登文淵  
一官簿領十年間此去青雲手可攀勝日西湖  
浮畫舫頻將卮酒酌孤山

乙酉夏述懷

水邊舟子競招招陌上車塵晚更囂祇是幽人  
無事絆藕花深處弄輕橈

得軒卽事

上印還家不計年水光瀾望木參天綠雲洞裏  
開書幌紅錦波心漾酒船

題瀑布畫

洩雲瀕洞遮山腹古木槎牙繞山足舉頭百丈  
瀉寒泉知有高峰插天綠

回陳兄惠瓜

碧圓流液舌生津三載深慙拜賜頻莫怪尊前  
最知味東陵自是種瓜人


九日送酒黃竹礪

老瓦盆中淥酒香田家風物近重陽不知竹礪  
盤桓處今賦黃花第幾章

次李秀巖鶴溪



稻梁初熟社醅香  
草草盃盤不着行  
別後書來煩記取  
綠楊堤畔水盈塘



卷之二十一

之書氏

